

CONVENIO DE COLABORACIÓN ENTRE A AXENCIA TURISMO DE GALICIA E O CONCELLO DE BOBORÁS PARA O PROXECTO BÁSICO E DE EXECUCIÓN DE HUMANIZACIÓN DO NÚCLEO SINGULAR E ENTORNO BIC DE ASTURESES. CONCELLO DE BOBORÁS

MEMORIA XUSTIFICATIVA

O xerente de Turismo de Galicia

DECLARA:

Que esta Axencia Turismo de Galicia formalizou co concello de Boborás o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2021.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Concello de Boborás para a realización do proxecto básico e de execución da humanización do núcleo singular e entorno BIC de Astureses.

Que existe converxencia de intereses entre as entidades asinantes en orden á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Lei 7/2011, de 27 de outubro, do turismo de Galicia, establece que a Xunta de Galicia, propiciará unha ordenación racional, equilibrada e sustentable dos recursos turísticos co obxectivo de garantir o equilibrio territorial e, para conseguir este fin, establecerá as pertinentes canles de cooperación con outras administracións tanto estatais como autonómicas e locais, así como co sector privado.

A Axencia Turismo de Galicia é o órgano da Xunta de Galicia ao que lle corresponde o exercicio, entre outras, das competencias en materia de ordenación, promoción, xestión e fomento do turismo; e ten entre os seus obxectivos básicos levar a cabo accións de potenciación e desenvolvemento do turismo na Comunidade Autónoma de Galicia, como un factor de crecemento económico, polo que entre as súas prioridades está a de contribuír á realización de actuacións que impliquen conseguir este obxectivo.



Segundo.- As entidades locais teñen atribuídas, a teor dos artigos 80 da Lei 5/1997, do 22 de xullo, de Administración local de Galicia e 25.2 h) da Lei 7/1985, do 2 de abril, reguladora das bases do réxime local, posto en relación coa Lei 7/2011, do 27 de outubro, do turismo de Galicia, competencias en materia de información e promoción da actividade turística de interese e ámbito local.

Terceiro.- Entre as competencias que, no relativo ás relacións coas entidades locais galegas, lle corresponden á Xunta de Galicia, de acordo co disposto nos artigos 194 e 195 da Lei 7/1997, do 22 de xullo, de administración de Galicia, está a de cooperación e colaboración, as cales se poden levar a cabo mediante a formalización de convenios, e para lograr esta finalidade a Axencia Turismo de Galicia, acomete, no ámbito das súas competencias, un decidido apoio ás iniciativas das entidades locais.

Cuarto.- A celebración do Ano Santo Xacobeo no ano 2021 e 2022 constitúe para a Comunidade Autónoma de Galicia unha oportunidade de potenciación de Galicia, así como de promoción e de reforzo da dimensión internacional do Camiño de Santiago e da propia comunidade.

O Concello de Boborás é consciente de que o seu Patrimonio é o seu máis grande ben, entendendo Patrimonio no seu senso máis amplo, é dicir, o conxunto de bens dunha comunidade, incluíndo nese conxunto tanto os bens herdados como os de nova adquisición, tanto os naturais como os culturais. Partindo desta base o concello de Boborás está levando a cabo, dende fai anos, unha serie de iniciativas cun obxectivo común: por en valor, é dicir, rendabilizar o seu Patrimonio para dalo a coñecer, conservalo e para a promoción turística.

O principal obxectivo do presente proxecto é a procura da rendabilización sociocultural dunha zona que en determinadas épocas do ano recibe gran afluencia de público debido á existencia dunha das xoias do románico galego, a Igrexa de San Xulián de Astureses, cuxo tempo e atrio foron declarados Bens de Interese Cultural no ano 1946. Ademais no entorno tamén existen outros elementos de interese como pode ser a capela pertencente a familia fidalga dos Cervela de Pazos de Arenteiro, así como 3 pazos ou casas grandes, situándose ademais dentro do Xeodestino Riberio- Carballiño, e tamén debido á súa proximidade con zonas de interese turístico.



Deste xeito tratase de potenciarse o turismo da comarca e aproveitar o potencial dos recursos naturais de Galicia, que permiten construír un destino único e diferencial, artellado ó redor dunha Marca: Galicia. Así mesmo hai que ter en conta os valores diferenciadores como o patrimonio material e inmaterial, a nosa cultura e o termalismo, que son recursos e valores que nos diferencian e vertebran unha experiencia turística propia e singular. Estes valores están asociados univocamente con Galicia, xerando a dimensión turística da marca. A enogastronomía como recurso transversal, como parte tamén do noso acervo cultural, no que os produtos de proximidade forman a base na que traballa unha cociña cada vez mais recoñecida internacionalmente. Ademais, continuamos sendo un territorio caracterizado pola calidade e autenticidade, o que nos outorga un gran potencial como destino de slow tourism.

A Axencia Turismo de Galicia está por tanto interesada tanto na súa mellora e posta en valor, como na atención e coidado ao peregrino.

Quinto.- O presente convenio ten por obxecto a realización do proxecto básico e de execución da humanización do núcleo singular e entorno BIC de Astureses.

Preténdese levar a cabo unha proposta de humanización, mediante a pavimentación con taco de granito e formigón barrido, canalización para o soterramento dos tendidos eléctrico, telefónico e alumeadado, así como as pluviais, intervencións coas que se pretende realizar a beleza e singularidade da contorna.

Diríxese a preparación desta zona para o seu uso e goce, dentro dun marco baseado no establecemento da prioridade do uso peonil do lugar, así como a adaptación do espazo en aras da recuperación e mellor goce nas reunións e festas efectuadas no lugar. Quedando ben claro o non menosprezo da necesidade de tráfico rodado tanto para acceso ás mesmas como para comunicación a través do mesmo dentro dunha fluidez rodada de ámbito urbano.

Búscase así a súa recuperación como parte activa dentro do crecemento dos núcleos rurais cunha valoración de automatización espacial do mesmo no que cada parte é importante para o establecemento dun concello agradable para o desenvolvemento da vida dentro duns estándares mínimos urbanos.

A especial singularidade deste núcleo, que forma parte do camiño miñoto, do que na actualizade se está a impulsar a súa recuperación e divulgación co fin de lograr a oficialidade del Camiño Miñoto Ribeiro a Santiago de Compostela xustifica unha actuación directa sen promover a



concorrenza dado que e un lugar cunha previsión de aumento do tránsito de peregrinos ao tratarse dun camiño que polo súa orixe en Portugal significar un reforzo da dimensión internacional do Camiño de Santiago e potencia unha ruta singular.

Con esta actuación preténdese potenciar un elemento patrimonial do concello, favorecendo o uso e goce do entorno por parte de veciños e visitantes, revalorizando o patrimonio e fomentando o turismo patrimonial como un instrumento de reequilibrio territorial, o que supón a posta en valor turístico da zona.

Así mesmo Boborás é un concello cun entorno único para xuntar unha oferta turística termal, cultural e de natureza, o que supón a posta en valor dos recursos turísticos do concello, á dinamización da economía da zona e á potenciación do rural.

Sexto.- A Axencia entende que é de interese público colaborar para a execución do obxecto antes descrito, co fin de incrementar e favorecer a atención e coidado ao peregrino, o que ademais suporá a súa posta en valor de cara á celebración do Ano Santo Xacobeo, o que incide na promoción e potenciación do Turismo en Galicia, non sendo posible promover a concorrenza, por ser o concello a entidade impulsora da actuación.

Que a través deste convenio, outórgase ao concello de Boborás unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, expostas nos puntos anteriores e que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.



E para que conste, asínase esta memoria, en Santiago de Compostela
O xerente de Turismo de Galicia

Emilio José de la Iglesia Lema